



UNIVERSITÄTS-  
BIBLIOTHEK  
PADERBORN

**Vitæ Sanctorum Sacris per singulos anni dies  
Meditationibvs illustratæ**

**Paderbornæ, 1697**

S. Matthæus Apost. 21. Septembris.

---

[urn:nbn:de:hbz:466:1-62968](#)

ejus gloriæ, cedit meæ utilitati. Gaudeo Domine, sempérque gaudebo, quod fiat in me voluntas tua. Si doloribus affectum corpus gemuerit, anima cœnac quiescit in divina voluntate tua, in eaque facienda semper gaudebit.

3. Si quas olim delicias Deus in oratione concessit, eas in præsentia denegat, id tuæ pravitati adscribe. Cave omittas solita pietatis officia, recedit Deus ut probet virtutem, vel animum tumentem deprimat. Te Domine in orationibus non consolationes quer. Quare faciem tuam avertu? gaudium per quod gaudeo? ubi es abseonditus Pulcher quem desidero. S. August.

## S. MATTHÆUS Apost.

21. Septembris.

*Cum transiret inde Jesus vidi hominem sedentem in telonio, Matthæum nomine. Ego ait illi: sequere me. Et surgens secutus est eum.*

Matt cap. 9.

**V**Idit Iudæa hodie clarum inter pauca Miraculum: Camelum scilicet per Angustias Acis se penetrantem. MATTÆUS fuit, è prædivite Publicano impiger CHRISTI sectator, cuius etiam vitam literis scriptam reliquit, maximam posteris hæreditatem,

tatem. In Æthiopia multa illi lucta cum Magis fuit, qui geminos aliquando in Divum Dracones emiserunt, sed quos ille quām mox cicures in loca sola amandavit. Cum his monstris etiam perfidia exulavit. Nam cūm insuper filium Regis demortuum ad vitam revocasset, permota hujuscemodi miris Regni longè maxima pars CHRISTUM amplexa est. Sed cūm regnum adiisset, qui Iphigeniam jam olim Deo desponsam copulare sibi sacrilegus pertentaret. MATTHÆUS quòd palam impium procum damnaret, dum ad aram facit, securi cæsus ipse victima sacerdos cadit. Continuò Iphigenia Virginitatis Patrono templum ponit. Hic Rex non Amore jam modò, sed irâ etiam ardens, ignes Virginis ædibus subjicit. Sed iterum pro pudore Angelo è cœlis & D. MATTHÆO pugnantibus, flamma ad tyranni tecta evolans vix locum dedit, ut cum filio se subduceret. Nimirum mors illi minimè sicca debebatur. Sui ipsius carnifex suum denique hausit sanguinem, qui alienum semper sitiverat, regnumque Iphigeniæ germano reliquit, sub quo (ut po-te Christiano) liberè jam colere Æthiopia MATTHÆUM cœpit, cui quidem nos illud palmarium dicimus, quòd à purioribus un-

dis primus non frustrà Æthiopes laverit,  
Lippeloo.

## M E D I T A T I O.

*De S. Matthæo.*

1. **S.** Matthæus à Christo electus fuit Apostolus. cùm Christus transiret & videret sedentem in telonio. Transit Jesus, nos videt, nos vocat; vocatum & transeuntem sequamur, ne, fortè cùm transit, non sit eum inveniendi locus, surgamus & generoso promptóque animo è vitiis nostris omnino emergamus. Jam pridem vocat Christus, Sed quæ nostra signavia est, à voluptatibus avelli non possumus.

2. **S.** Matthæus fuit etiam Evangelista: mirum prolsus Evangelium nobis reliquit, & Æthiopes docuit, quæ viderat & scripsérat. Non sunt tuæ partes, Evangelium scribere, at potes & debes Evangelio obedire. Hoc credis; cura igitur ut facta tua fidei tuz respondeant. Scrutare conscientiam: vide quamneas vitæ rationem: namque *id agendum est, ut vita nostra Evangelio respondeat.* Chryl.

3. **S.** Matthæus fuit Martyr, & jure vocari potest victima castitatis. Oportet ut vita tua sit juge Martirium: oportet ut suavioribus deliciis abstineas, ac tibi ipsi moriaris, sensuum videlicet, cupiditatum, ac propriæ voluntatis mortificatione. Durum est hoc verbum: sed erunt illa duriora: *Ite maledicti in ignem aeternum.*



S. MAU-